



Ileqqusumik ataatsimeersuarnermit imaqarniliaq

Royal Greenland A/S

Reg.nr. A/S 184.991

Hotel Hans Egedemi, Nuuk, 18. februaari 2011, nal. 14.00

Peqataapput:

Piginnittoq sinnerlugu: Naalackersuisut siulittaasuat Kuupik Kleist,
Aalisarnermut, Piniarnermut Nunalerinermullu
Naalackersuisoq Ane Hansen,
Ineqarnermut, Attaveqarnermut Angallanermullu
Naalackersuisoq Jens B. Frederiksen,
Inuussutissarsiornermut Aatsitassarsiornermullu
Naalackersuisoq Ove Karl Berthelsen,
Peqqissutsimut Naalackersuisoq Agathe Fontain,
Naalackersuisoqarfimmi immikkoortortaqaqfiup pisortaa
Amalie Jessen,
Fuldmægtigi Lars Thygesen Hoflund,
Fuldmægtigi Kenneth Bøjler Andersen.

Siulersuisuni ilaasortat: Siulittaasoq, pisortaq Peter Grønvold Samuelsen,
Siulittaasup tullia pisortarlu Sven Lyse,
Tunisinermi aqutsisoq Lars Berthelsen, sulisut sinniisaat
Tunisassiorfimmi ingerlatsisoq Niels Ole Møller, sulisut
sinniisaat

Pisortaqatigiit: Suliffeqarfissuarmi ingerlatsisoq pisortaanerlu Flemming
Knudsen,
Pisortaq Pâviâraq Heilmann.

Kukkunersiuisut: Kukkunersiuisoq naalagaaffimmit akuerisaasoq Per
Jansen, Deloitte Kukkunersiuiinermi piginneqatigiilluni
ingerlatseqatigiiffik Naalagaaffimmit akuerisaasoq.

Aqutsisoq:	Eqqartuussissuserisoq Jens Paulsen, Advokatfirmaet Hey & Paulsen.
Imaqarniliortoq:	Inatsisilerinermi siunnersorti Andor Thomsen.
Oqalutsi:	Nutserisoq Hans Ole Petersen.
Peqataasut allat:	Tusagassiortut, Naalakkersuisuni ilaasortat allat, siulersuisuni ilaasortaasimasut il.il.
Peqataangitsut:	Siulersuisuni ilaasortat Svend bang Christiansen, Pitsi Høegh, Paneeraq Olsen, Arne Pedersen, Asger Johansen.

Siulersuisuni siulittaasup Peter Grønvold Samuelsenip naalakkersuisut siulittaasuat, naalakkersuisuni ilaasorta, siulersuisut ataatsimeersuarnermilu peqataasut allat tikilluaqquai kingornalu eqqartuussissuserisoq Jens Paulsen aqutsisussatut siulersuisunit maleruagassat malillugit toqqarneqartoq oqaaseqartillugu.

Aqutsisoq oqaaseqartinneqartussanngornini pillugu qujavoq nalunaarutigalugulu 5. februaari 2010-mi allakkatigut maleruagassani § 4 naapertorlugu piffissaq eqqorlugu ataatsimiigiaqqusisoqarsimasoq.

Taamatuttaa qqaatigaa, Namminersornerullutik Oqartussat kisimi piginnittusoq sinnerlugu Naalakkersuisut siulittaasuat Kuupik Kleist ataatsimeeqataasoq, ataatsimeersuarnermilu peqataasut tamarmik tikilluaqquai.

Tamatuma kingorna apeqqutigaa, ataatsimeersuarnissamat aggersaasoqarsimaneranut tunngasumik oqaaseqartoqarusunnersoq, oqaaseqartoqanngimmallu maleruagassat malillugit aalajangiisinnaassuseqarfiulluni inatsisillu malillugit ataatsimeersuarneq ingerlanneqartoq nalunaarutigaa.

Nalunaaruteqareermat oqaluuserisassat saqqummiunneqarput, makkuusut:

- a) Ingerlatseqatigiiffiup ingerlanera pillugu nalunaaruteqarneq.
- b) Ukiumoortumik nalunaarusiamik akuerisassanngorlugu saqqummiineq.
- c) Ukiumoortumik nalunaarusiaq akuerineqartoq naapertorlugu sinneqartoortinik atuinissamat imaluunniit annaasaqaatinik matussusiinissamat aalajangiineq.

- d) Siulersuisuni ilaasortassanik qinersineq, tamatumani siulersuisuni siulittaasussamik qinersineq.
Siulersuisuni ilaasortaareersut Svend Bang Christiansen, Pitsi Høegh aamma Arne Pedersen qineqqusaarput.
- e) Siulersuisup siulittaasunilu ilaasortat akissarsiassaannik aalajangersaaneq.
- f) Kukkuersiuisunik qinersineq.
Deloitte Statsautoriseret Revisionsanpartsselskab qinigassaavoq.

Imm. a pillugu) Ingerlatseqatigiiffiup ingerlanera pillugu nalunaaruteqarneq

Oqaluuserisassat aqutsisumit saqqummiunneqareermata siulersuisuni siulittaasoq Peter Grønvold Samuelsen oqaaseqartinneqarpoq, imatullu nalunaaruteqarpoq:

*" Asasara Naalakkersuisuni ilaasortaq
Asakka Namminersornerullutik Oqartussat sinnerlugu peqataasut allat
Asakka najuuttusi tamassi.*

Royal Greenlandip ukiumoortumik ataatsimeersuarneranut tikilluaritsi.

Angusat akuerisassanngorlugit piginnittumut ullumikkut saqqummiunneqartut nassuiaatissaqartilluaraluarlugit angusat nalunaarummi naqitaareersumi saqqummiunneqartut soorunami naammaginangitsutut nalilertariaqarpavut.

Ingerlatseqatigiiffimmi qaammatini arfineq-marlunni kingullerni (2009-mi decembari ilanngullugu) malunnartumik pisariaqartumillu allanngortiterisoqarnerata erseqqissarneqarnera tupallersaatigisatuaraara. Ukiumoortumik naatsorsuutini nutaajusuni ukiup sisamarterutaata siulliani angusat siorna ukiumoortumik naatsorsuutini ukiup taamaalinerani angusanut sanilliullugit amerlanerusut saqqummiunneqarpoq, tamatumani angusat 50 mio. kr.-t sinnermagit sinneqartooruteqarfiulaarlutillu.

Ataguli 2008/2009-mi pissutsit kingumut qivialaarallarlakka.

Ajornartoorsimaffiulluinnarfippit sioqqullugu pissutsit arlallit ulluinnarni sulinitsinnut sunniuteqarput:

- *Aalisakkanik niuernerup silarsuaani tunisaqarneqqusaanneq tunisinermi akit qaffanneratigut akit qaffasissusaasa qaffasinnerat inuussutissalerisutut allatuulli iluaqutiginnilavut.*
- *Pisassiissutissanik pissarsiorneq piffissap sivilisup ingerlanerani aningaasaliinermut aningaasartuuteqarnikkut akisusimavoq naak isertitat ikiliartoraluartut aningaasaliinissamullu iluarsissutit arlallit iluatsinnatilluunniit toqqaannartumik kukkunerugaluartut.*
- *Akit qaffasissusaasa qaffasinnerat pissutaalluni tunisassiassat akii aningaasartuutillu allat qaffapput.*
- *Kalaallit Nunaanni pisassiissutigineqartut (uumassusilerisut innersuussutaat malillugit) annikillineqarput ingerlatseqatigiiffimmulluunniit iluaqutaanngitsumik agguarneqarlutik.*

Aningaasaliinerup aningaasartuuteqarnerullu tungaatigut sunniutaasut aaqikkumallugit patajaallisarmallugillu suliniutit arlallit aallartinneqareersimapput.

Ajornartoorsimaffiulluinnarnerlu nallerpoq.

- *Ukiuni matumani tunisat 15 %-imik (Amerika ilanngunnagu 8 %-imik, tamatumani tunisassiorfik ingerlatseqatigiiffimmit matuneqarmat) annikinnerupput.*
- *Pisisartut akit pillugit sulii makitanerulerput.*
- *Nunat allat (Tuluit Nunaat, Norge, Sverige) aningaasataasa nalingi tunisinermut pingaaruteqarluinnartut apparput.*
- *Ajornartoorsimaffiulluinnarneq sivilisumik atuutereeraluartoq tunisassiassat akii qaffasittuarsinnarput.*
- *Ukiut arlallit kingulliit ingerlaneranni pisassiissutigineqartartut annertussusaat tunngavigalugit ingerlatseqatigiiffiup akiitsoqarnera pissutigalugu piginnittumut sunniuteqaratarsinnaasumik ingerlatseqatigiiffik malunnartumik nalorninartumik inissisimavoq.*

Taamaattumik piaartumik iliuuseqarnissaq pisariaqarluinnarsimavoq. Ingerlatseqatigiiffiup pilersaarutai aqqaneq-marlunnik immikkoortortalerlugit itisilerneqarlutillu oqaasertaliorneqarput, tamatumani sapinngisamik piffisap sivilisup ingerlanerani 200 mio. kr.-nik angusaqarfiusussanngorlugit.

Suliniutit makkuninnga imaqarput:

- *Ingerlatsinermi (inuttalersuinermi, pitsanngorsaanerme, sipaaruteqarnermi) aningaasartuutini annikillisaaneq.*
- *Aningaasaqarnikkut pituttorsimanernik (siullertut quersuaqarnerup tungaatigut) ikilisaaneq*
- *Ingerlatanik pisariaqanngitsunik annaasaqarfiusartunillu unitsitsineq (kilisaatit, ingerlatseqatigiiffiit tuniniaanermik aallutaqartut aamma nunaqarfinni tunitsivinnik imminut akilersinnaanngitsunik matusineq).*

- *Aningaasaliinissamut missingersuusianik annikillisaaneq nutaanillu aningaasaliinermut piumasaqaatinik sukaterineq.*
- *Koszalinimi tunisassiorfiup – tamatumunnga aningaasaliinerit unisinneqarsinnaasimannngimmata - ammarneqarnissaanik qulakkeerinninneq.*
- *Ingerlatseqatigiiffiup akiitsuinik nalinginnaasunngortitsineq.*

Aningaasaliisoqarnissaa pisariaqartinneqartoq paasilertorneqarpoq. Ingerlatseqatigiiffiup 2009-imi januaarimi ataatsimeersuariitsiarnerata kingorna suleqatigiissitaq piginnittumiit ingerlatseqatigiiffimiillu sinniisuutitalerlugu pilersinneqarpoq.

Suleqatigiissitallu pilersinneqarnerata kingunerisaanik 250 mio. kr.-t aningaasaliissutigineqarput 250 mio. kr.-llu pisussaaffilimmik taarsigassiissutigineqarlutik. Tamanna pivoq Naalakkersuisut nutaat 2009-mi juunip qaammataani atuutilernerata kingorna.

Suliniutit taaneqartut ukiup matumani qaammatini sisamani kingullerni ingerlatsinikkut angusat pitsanngornerannik kinguneqarput. Taamaalisukkullu - pingaartumik quersuaqarnikkut - aningaasat ingerlatsinermi atukkat ikilisinneqarsigut 237 mio. kr.-nik akiliisinnaassuseqartoqalerpoq. Tamannalu pissutigalugu taarsigassarsii sumut ½ milliard kr.-nik akiliinikkut akiitsut erniallit ikilisinneqarsinnaasimapput. Tamatuma kingorna ingerlatseqatigiiffik aningaasanik atortissallugu tatiginarluartutut nalileqarneranik ilaqartumik Amerikami niuerfimmi aningaasaliisartut namminersortut aqutigalugit obligationinik atugassiinissamut (50 mio. USD-nik) aningaasaleeqqissinnaasimavoq.

Aningaasaliisoqarsimanera aningaasaqarnikkut niuerfinni tigulluarneqarpoq, tamatumani aningaasaliisoqarsimaneratigut nalilerneqarmat piginnittoq suliffeqarfimmu sulisunut 855-iusunut aningaasarsiorititsisumut, tunisassiassanik 1400-nik pilersuisoqartitsisumut aamma sulisussarsiorinikkut, nioqutissanik pisinikkut Kalaallit Nunaannilu kaffartuussinermut aningaasartuuteqarnikkut 1,1 milliard kr.-nit amerlanerusunik atuisartumut taamaalisukkullu nunani assigiinngitsuni pingaaruteqarluinnartumik ambassadøriusumut tapersuisuusooq.

Nunatsinni oqallinneq – inuiaqatigiisugut amerlanngikkaluarluta nunatsinni suliffeqarfik suliffeqarfinnut allanut sanilliullugu angeqisoq nunanilu assigiinngitsuni ingerlatsiviusooq Royal Greenland pillugu tulluusimaarutissaqarnitsinnut toqqaannartumik tunngassuteqanngikkaluartoq - suliffeqarfissuaq inuiaqatigiit iluaqutigisaannik qularnaateqanngitsumik kaaviiartitaqarluartarpoq. Royal Greenland pillugu oqallinnermi nunaqarfiit eqqartuleraangatsigit Avannaani arlalinnik tunitsiveqarnera aalajaatsunillu sulisoqarlunilu tunisassiassanik ataavartumik pilersuisoqarnera aningaasaqarnikkut patajaallisaaqataasut eqqaamasariaqarparput. Tassami pissutsit taaneqartut tunitsivinnut pingaaruteqarluinnartuupput. Tunitsiviit allat sineriammiittut aamma ingerlalluarput, pisariillisaanermullu isummorsorluararutta piumassuseqarluararuttalu kiisalu pisortaqatigiinniit piginnittumiillu tapersorsorneqarnikkut Kalaallit Nunaanni tunisassiornerup annerpaartaa Kalaallit Nunaata avataani tunisassiorturnut arlalinnut unammillersinnaalluarpoq.

Assersuutigalugu qalerallit avaleraannik tunisassiorneq Kinamut nuuttariaqarsimasarput Qasigiannuanut ukiup ingerlanerani nuunneqaqqissaaq, tamatumani nalilersimagatsigu imminut akilerluarsinnaanerusooq.

Taamaattumik Royal Greenlandimi sulisuususi tamassi ukiumi qaangiuttumi sulilluarsimanersi pillugu pisortaqatigiinniit siulersuisuniillu ataatsimeersuarnermi matumani qutsavigineqarnissarsi pissusissamisoorpoq. Kilisaatini inuttaasusi aamma tunisassiorfinni, tunitsivinni allaffimmilu Kalaallit Nunaanni nunanilumi allani Royal Greenlandimi nunarsuarmi tamarmi siaruarsimalersimasumi sulisuususi Kalaallit Nunaanni inuiaqatigiit annertuumik sullippasi.

Taamatutaaq tunisassiassanik pilersuisut - pingaartumik Kalaallit Nunaanni aalisartortagut – inuussutissarsiutigalugu aalisartortagut - qutsavigingaarpavut. Isumaqarpungalu ulluinnarni oqallinnerni tunisassiassat akii pillugit akerleriittoqartarnera pissutigalugu Royal Greenlandip aalisartunik suleqatiserumangittarneranik oqartoqartarnera eqqunngitsaq, tamatumani Royal Greenlandip aalisartortatsinnik suleqateqarnera annertoqimmat. Tunisassiassat Kalaallit Nunaanni aalisartunit Royal Greenlandimut tulaassorneqartartut tunngavigalugit Royal Greenland avatangiisinik eriaginninnermik pingaartitsilluni tunisassiassanik akuutissialersugaanngitsunik aamma issittup imartaaneersunik immamiillu eqqiluitsumeersunik mingutsitaanngitsumeersunillu tunisassiortartutut ilisimaneqarpoq. Taamaattumik aningaasaqarneq eqqarsaatigalugu pisariaqartitat atukkallu tungaatigut annertunerusumik paaseqatigiittoqarnissaa piumasarineqarpoq, tamatumani eqqaaneqartut nunarsuarmi niuernikkut inissisimanermit ataavartumik sunnertittarmata.

Suliniutit ingerlanneqartut ukiumi angusat pitsaanerulersinngilaat, sunniutaalli qaammatini sisamani kingullerni malunnarsereersimapput.

Pisortaqatigiit isumaqarput siuunissami suliassatut akisussaaffigigaat suliniutit taaneqartut ineriartorteqqinnissaat ingerlatseqatigiiffiillu niuernikkut isertitaqarnikkullu ukkassineratigut ilaqqinnissaat. Ineriartortitsiniaannarluni ineriartortitsineq tunngavigineqarunnaarluni isertitat najoqqutaralugit niuernerup tungaatigut sulineq tunngavigineqalerpoq.

Aningaasalersuinikkut aningaasartuutit akileraarutillu ilanngaatinnginnerini kaaviiartitanit isertitat (EBIT-imik taaneqartartut) 5 %-imut qaffanneqarnissaat ukiuni arlalinni anguniarneqarpoq. Tamatuma saniatigut akiitsut piffissami sivisuumi akilersugassat ikilisinneqarnissaat aamma anguniarneqarpoq, tamatumani akiitsut aamma pisussaaffilimmik taarsigassat 1:1-iusut ilanngullugit nammineq pigisat assigiissarneqarnissaat anguniarneqassalluni. Piginnittut aningaasaliiffiqineqaaqqinnissamik pisariaqartitsilernissaat pinngitsoortikkumallugu taamaalisukkullu Kalaallit Nunaat sinnerlugu nunani assigiinngitsuni pingaaruteqarluinnartumik ambasadøriujuartarmat ingerlatseqatigiiffiup nunarsuarmi niuernikkut inissisimanagera patajaallisarumallugu qulaani taaneqartut anguniarneqarput.

Taassuma saniatigut naatsorsuutit naqeriikkat piginnittumullu nassiunneqareersut innersuussutigaakka kiisalu pisortaaneq Flemming Knudsen piumaffigalugu naatsorsuutini kisitsisit pingaarnerit naatsumik nassuiassagai."

Nalunaarut pillugu oqaaseqaateqartoqarusunnersoq aqutsisumit apeqqutigineqarpoq, kingornalu Naalakkarsuisut siulittaasuat Kuupik Kleist aqutsisumit oqaaseqartinneqarpoq, imatullu oqaaseqaateqarpoq:

"Aallaqqaasiutigalugu nunatsinni ingerlatseqatigiiffinni anginerpaaq - Royal Greenland - pillugu ataatsimeersuarnermut matumunnga soqutiginnittoqarluarnera pillugu qujarusuppunga. Soqutiginnittoqarluartoq paasinarpoq, tamannalu ingerlatseqatigiiffiup piuneranik soqutiginnilluartoqarneratut nalilerpara.

Taamatuttaaq Naalackersuisut ataatsimeersuarnermi matumani nalunaarutaat tamaasa suliffeqarfissuup Royal Greenlandip Kalaallit Nunaanni inuiaqatigiinnut pingaaruteqarluinnarnera nunatsinnilu nunarsuarmi suliffeqarfissuuartut killiffia tunngavigalugit saqqummiunneqarput.

Ukiumi septemberip 30-ata tungaanut angusat naammaginarpallaanngillat Royal Greenlandillu aningaasaqarniarnikkut maannakkut inissisimanera ilungersunarluinnartutut suli isigaarput.

Siumut ingerlaqqinnermik malitseqartunik suliffeqarfiullu ingerlalluaqqilernissaa anguniarlugu iliuuseqartoqareersoq qujamasuutigaarput. Ukiumoortumik naatsorsuutini qaammatit sisamat kingullit kiisalu ukiumoortumik naatsorsuutini nutaajusuni ukiup sisamararterutaasa siulliat takutippaat naak ingerlatseqatigiiffiup ingerlalluaqqilernissaanut aqquq suli takigaluartoq ineriartorneq ingerlalluariartulersoq.

Taamaakkaluartoq ulluinnarni ingerlatsisut suliffeqarfissuarmilu sullareqalutik sulusut tamaasa ukiumi qaangiuttumi ilungersunartunik aqqusaagaqarfiusimasumi sulilluarsimanagerat pillugu qutsavigerujussuarpakka.

Ukioq qaangiuttoq suliniutinik pisariaqartunik arlalinnik aallartitsiffiulluni ulapaarfiusimavoq: 2007/08-mi ukiumoortumik naatsorsuutit naanerannili paasinarsivoq ingerlatseqatigiiffik aningaasaqarnikkut ilungersunartorsiorortoq, tamatumani akiitsoqarneq ingerlatseqatigiiffiup siunissami ingerlanneqarnissaanut tunngatillugu naviarnartorsiorluinnartoq taamatullu inissisimanini pissutigalugu aarlerinartoqarluinnartoq paasineqarmat.

2007/08-mi ukiumoortumik naatsorsuutini ukiumi angusatigut 78 mio. kr.-nik amigartooruteqarnerup ersersiinnarpaa ilumut aarlerinartoqarluinnartoq, taamaattumillu piginnittut, siulersuisut pisortaqatigiillu iliuuseqarluinnartariaqartut. Taamaattumik ingerlatseqatigiiffiup aningaasaqarnikkut inissisimanerliornera pitsaanerpaamik aaqqinneqarnissaa anguniarlugu suleqatigiissitamik pilersitsisoqarpoq.

Ingerlatseqatigiiffiup ataatsimut isigalugu ingerlanneqarnera tamatumani aqqissuussaanagerata siunissami isikkussaa suleqatigiissitamit eqqartorneqarput. Royal Greenlandilli aalisakkanik niuruteqartartut silarsuaanni niuernikkut pissutsit, aalisakkat pisassiissutigineqartartut annertussusissaat nunarsuarmilu niunermi akit

allanngorarnerat aqussinnaanngimmagit massakkorpiaq nalorninartorsiornerup annikillineqarnissaa siullertut anguniarneqarpoq.

Taamaattumik 250 mio. kr. -t aktiatigut aningaasanngorlugit ingerlatseqatigiiffimmut aningaasaliissutigineqassasut kajumissaarutigineqarpoq. Aningaasaliissutigineqartut ingerlatseqatigiiffimmi ingerlatsisut tassa pisortaqatigiit siulersuisullu ingerlatseqatigiiffiup isertitai pingaaruteqarluinnartut pinngitsoornanilu isertinneqartussat pitsanngorsarneqarnissaat anguniarlugu iliuusissatut pilersaarutit akuerisaareersut naammassinissaannut pisariaqarluinnartumik eqqissillutik sulinissaannut iluaqutaassapput. Tamatuma saniatigut 2009-mi septembarimi tunniunneqartussanik atukkanik akiliinissamut aningaasaliisoqarnissaa innersuussutigineqarpoq.

Tamanna pillugu immikkut ittumik juulip aallaqqaataata nalaani ataatsimeersuartoqarpoq, tamatumani ingerlatseqatigiiffimmut aningaasaliisoqarlunilu katillugit 500 mio. kr. -nik taarsigassarsisitsisoqarpoq. Taamaalisukkulli ingerlatseqatigiiffimmut aningaasaliisoqarneranut taarsigassarsisitsisoqarneranullu atatillugu Naalakkersuisut pisussaaffilimmik piginnittutut ersarissunik piumasaqarput. Taamaattumik Royal Greenlandimit aamma piumasarineqarpoq ingerlatseqatigiiffiup aaqqissuussaanerata tungaatigut aaqqissuisoqaqqinnissaa tamatumanilu allamik piginnittoqalernissaa pillugu isumaliuteqartoqarnissaa anguniarlugu ingerlatseqatigiiffiup siunissami inissisimanissaa pillugu itisiliilluni nassuiaatitalimmik nalunaaruteqartoqassasoq.

Suliarisassat allassimaffiat suliarineqareersoq, imaluunniit suliassaq ingerlatseqatigiiffimmit pinngitsoornani naammassineqartussaq arlalinnik immikkoortoqarpoq, piginnittuusugullu immikkoortut pillugit erseqqissaavineqarnissarput kissaatigaarput. Tamatumunnga atatillugu ingerlatseqatigiiffiup kukkunersiuisua Deloitte kiisalu Handelsbankeni erseqqissaapput, tamatumalu kingunerisaanik piginnittunit misissorluarneqaqqissaartussamik peqqissaartumik suliaasumik nassuiaasiortoqarpoq.

Tamatumani ingerlatseqatigiiffimmi pisortaqatigiit akisussaaffeqarnertik arajutsisimanngilaat suliassatigullu unammillernartut annertuut iliuuseqarfigalugit. Taamaattumik naak ukiumi angusatigut 196 mio. kr. -nik amigartooruteqarteqartoqaraluartoq – ingerlatseqatigiiffiup oqaluttuarisaanerani aatsaat taama annertutigisumik amingartooruteqartoqarpoq - piginnittuusugut ingerlatseqatigiiffiup siunissami ingerlanneqarnissaa pillugu siornaminngarnit isumalluarneruvugut. Isumaqarpugut ajornerpaamik inissisimareerluta siunissamilu ingerlalluarnerulerumaartugut.

Ineriartorneq Naalakkersuisunit malinnaavigineqarluartuarsinnassaaq, tamatumani nalunaarummi naammassineqaqqammertumi anguniakkatut allassimasut ingerlatseqatigiiffimmit naammassineqarsimanersut paasinialugu malinnaassallutik. Pilersaarusiortluni anguniakkat ingerlatseqatigiiffimmit naammassineqarsimanersut ukiumoortumik naatsorsuutit naaneranni Naalakkersuisunit nalilernerqassaaq, naliliinertillu tunngavigalugu ingerlatseqatigiiffik pillugu siunissami pisussatut takorluukkat isummerfigissallugit. Tamatumani ineriartorneq ingerlatseqatigiiffimmut Kalaallit Nunaannilu inuiaqatigiivinut iluaqutaasussanngorlugu siunissaq qaninnerusooq ungasinnerusorlu eqaarsaatigalugit pileraarusiortluni anguniakkat pineqarput.

Tamatumani erseqqissarneqassaaq piaartumik namminersortunngorsaanissaq imaluunniit suliffeqarfissuup pingaarnertut aallutaanik tunisinissaq Naalakkersuisunit anguniarneqanngimmat, tamatumani suliffeqarfissuup aningaasaqarniarnerata patajaallisarneqarnissaa pigisallu nalillit qulakkeerneqarnissaat anguniarlugu sulisoqassasoq kissaatigaat. Tamatuma saniatigut ingerlatseqatigiiffimmi pisortaqtiguit piginnaaneqarlutillu tunngaviusumik anguneqartussatut aalajangerneqartut angunissaannut piumasat aallaavigalugit pilersaarutit naammassineqartussatut piumasarineqartut naammassinissaannut akisussaaffeqarput.

Aalisarneq Royal Greenlandillu pingaarnertut aallutai Kalaallit Nunaanni inuussutissarsiutini suli pingaarnersaapput, inuussutissarsiutillu allat pillugit suliniutinik allanik aallartitsisoqareeraluartoq qularnanngitsumik suli ukiorpassuarni pingaarnepaajugallassallutik. Aalisarnermut inatsisissaq nutaaq, tamatumani pisassiissutinik agguaaneq aamma eqqarsaatigalugu, tamatta iliuuseqaqataaffigisassatsinnik unammillernartunik toraagassaqarfiusussaassaaq.

Naalakkersuisut kissaatigaat, aalisarnermut inatsisissami nutaami nungusaataanngitsumik aalisarneq taamaalisukkullu politikikkut sukkulluunniit attuumassuteqanngitsut kinaassusersiunngitsumik tunngaveqarlutik naliliineri aallaavigalugit pisassiissutinik agguaaneq pingaartinneqarluinnaqqissaassasut.

Naalakkersuisut maluginiarsimavaat aalisarnermik inuussutissarsiuteqarnerup tungaatigut nutamik peqatigiiffimmik pilersitsisoqarsimasooq. Taamaattumik Naalakkersuisut kissaatigaat aalisarnermik inuussutissarsiuteqartut isumaqatigiillutik suleqatigiilluassasut, Naalakkersuisut taamaasillutik aalisarneq pillugu politikkimik aalisarnermillu ingerlatsinerup tungaatigut peqataalluarnerullutillu iliuuseqaqataalluarnerusinnaassammata.

Tamatumunnga atatillugu Naalakkersuisut kissaatigaat, Royal Greenland kattuffinnik atuuttunik qanimut suleqateqassasoq kinguneqartussamillu oqaloqatigiinnikkut

attaveqaqatigiinnikkullu aalisartut Royal Greenlandimik tatiginninnerat annertusineqassasoq.

Pissutsit arlallit politikerinit piffissami sivisuumi arajutsisimaneqanngillat:

- Tamatumani pisanik igitsisarneq pillugu ajornartarsiuteqarneq ilaatigut pineqarpoq. Pisanik atuilluartarnerup siunissami annertusineqarnissaa anguniarlugu ajornartorsiut Royal Greenlandimit iliuseqarfigineqassasoq kissaatigaarput.

- Sinerissap qanittuani aalisariutinik pisiortornermut aningaasalersuinermi Royal Greenland pingaaruteqarluinnartumik suli inissisimavoq. Naalakkersuisut kissaatigaat, aalisariutit aaqqissuussaanerisa tungaatigut ataatsimut isiginnilluni naleqqussaannermi ingerlatseqatigiiffik suleqataassasoq tamatumanilu aalisariutit ingerlatseqatigiiffiillu allat pillugit suleqataanini pillugu nalilersueqqissasoq.

- Inaarutaasumik nunaqarfinni tunitsiviit pillugit 2010-mi kiffartuussinermit isumaqatigiissut atuuttoq eqqaaneqarsinnaavoq. Suliaq kiffartuussinermit isumaqatigiissummut tunngasoq politikerinit annertuumik eqqumaffigineqarpoq, piffissamilu aggersumi eqqartorneqassalluni. Naalakkersuisullu kissaatigaat, pilersaarutinik nunaqarfinnut tunngasunik misissueqqissaareqqaarnissamut piareersarnermi Royal Greenland aamma peqataalluassasoq.

Naggasiutigalugu siulersuisut pisortaqatigiillu ukiumi qaangiuttumi sulilluarsimanerat pillugu qutsavigerusuppakka. Nalakkersuisut tatiginnipput ingerlatsisut suliffeqarfimmik pitsaasumik, imminut akilersinnaasumik kiisalu siunissaqartumik periarfissaqarluartumillu pilersitsisinnaasut. Taamatuttaaq tatiginnippugut pisortaqatigiit siulittaasunngortussallu ataatsimoorlutik suliakkiutigineqartunik naammassinnissinnaasut.

Naggasiutigalugu siulersuisut qutsavigerusuppakka pisortaqatigiillu qinnuigerusullugit ingerlatseqatigiiffiup nunatsinni nunanilumi allani sulisui ukiumi qaangiuttumi sulilluarsimanerat pillugu qutsavigissagaat.

Taamatut oqaaseqareerlunga siulersuisut nalunaarutaat tusaatissatut tiguneqarpoq."

Tamatuma kingorna aqutsisup nalunaarutigaa, aqutsisut nalunaarutaat oqaaseqaatillu aqutsisut nalunaarutaannut tunngasut ilanngullugit tusaatissatut tiguneqartut.

Imm. b pillugu) Ukiumoortumik nalunaarusiamik akuerisassanngorlugu saqqummiineq

Pisortaaneq Flemming Knudsen ukiumoortumik nalunaarusiamik kukkunersiorigaasumik siulersuisuniillu akuerisaareersumik saqqummiivoq.

Suliffeqarfiup tunisassiorsinnaassusaa annertusarnagu isertitaali pitsanngorsarnissaat anguniarlugu ukkassilluni sulisoqarsimanera pissutigalugu aallussat siornamut sanilliullugit annikinnerusimasut ilisimatitsissutigaa. EBIT - angusat 136 mio. DKK-nik ikilismanerat makkuninnga tunngaveqarsinnaasorineqarput:

- Aningaasaqarniarnikkut ajornartoorneq
- Tunisassiassat akiinik qaffaaneq
- Polenimi tunisassiorfittaaq pillugu unammillernartunik toraagaqarneq.

Taamatuttaaq nunat allat aningaasaataasa nalingi angusat ikinnerulernerannut sunniuteqaqataapput, soorluttaaq akiitsut immikkut piumasaqaatitalit ajornartorsiuteqartitsisut.

Suliffeqarfiup ukiut marluk tulliuuttut ingerlaneranni 200 mio. DKK-nik isertitaqarfiusumik patajaallisarneqarnissaa anguniarlugu iliuusissatut pilersaarusiortoqaleruttorpoq, soorluttaaq aningaasaliissutissatut piareersimasuuteqarnissaq eqqarsaatigalugu pitsanngorsaasoqassaaq.

Pilersaarut sunniuteqartalersimasooq ukiumoortumik naatsorsuutini qaammatini sisamani kingullerni takuneqarsinnaavoq ukiumilu aggersumi atuutiinnassasoq takuneqarsinnaavoq. Tamatumani angusatigut amigartooruteqartoqaraluartoq ingerlatsinermi aningaasat kaaviiartitat 237 mio. DKK-upput.

Ingammik Frankrigimi tunisaqarluartoqartarpoq, ingammillu Tysklandimi, Tuluit Nunaanni Japanimilu tunisat annertuneq ajorput.

Tunisassianik ineriartortitsineq pitsanngorsarneqarpoq.

Oqimaaqatigiisitsinerni aningaasat 82 mio. DKK-nik ikileqqipput. Akiliisinnaassuseq 22,4 %-iuvoq.

Akiitsut ernialersukkat ukiup ingerlanerani 502 mio. DKK-nik ikilisinneqarput, tamannalu naammaginarluinnarpoq, aningaasallu ingerlatsinermi atukkat 426 DKK-nik ikilillutik. Taakkualu ukkatarineqarnissaat pingaartinneqarsimavoq sulilu pingaartinneqarluni.

Kozalinimi Polenimilu tunisassiorfinnik pilersitsisoqarnissaa pissutigalugu sulisut 133-nik ikilismapput kiisalu Danmarkimi sulisut aamma ikilipput nunanili allani sulisut amerlillutik. Kalaallit Nunaanni sulisut aamma ikilipput, tamatumani tunisassiorfinnik aalisariutinillu tunisaqartoqarsimanera pissutigalugu.

Tamatuma kingorna Naalakkersuisut siulittaasuata Kuupik Kleistip nalunaarutigaa, ukiumoortumik nalunaarusiamut tunngatillugu siunnersuutigineqartut Namminersorlutik Oqartussanit akuerineqartut.

Aqutsisup kingornatigut oqaatigaa siunnersuut akuerineqartoq.

**Imm. c pillugu) Ukiumoortumik nalunaarusiaq akuerineqartoq
naapertorlugu sinneqartoorutininik atuinissamut
imaluunniit annaasaqaatinik matussusiinissamut
aalajangiineq**

Aqutsisup ukiumoortumik nalunaarusiaq angusanit atugassiinissamut (1000 DDK)
siunnersuuteqarfiusoq innersuuppaa:

Naleqassutsit tamarmiusut malillugit
periuseq malillugu ilanngaasaleereerluni
qummut iluarsiinissamut sillimmatit 34.100 DKK

Ukiup tullianut nuussineq 230.107 DKK

Ukiumi angusat 196.007 DKK

Naalakkersuisut siulittaasuata Kuupik Kleistip nalunaarutigaa, angusanit
atugassiinissamut tunngatillugu siunnersuutigineqartoq Namminersorlutik
Oqartussanit akuerineqartoq.

Aqutsisup kingornatigut oqaatigaa siunnersuut akuerineqartoq.

**Imm. d pillugu) Siulersuisuni ilaasortassanik qinersineq, tamatumanilu
siulersuisuni siulittaasussamik qinersineq**

Siulersuisuni ilaasortaareersut Svend Bang Christensen, Pitsi Høegh aamma Arne
Pedersen qineqqusaarput. Pitsi Høeghip nalunaarutigisimavaa, kissaatigalugu nunami
allamiinnini pissutigalugu siulersuisuni ilaasortaajunnaarnissani.

Aqutsisup nalunaarutigaa, ataatsimeersuarnermi qinerneqarlutik siulersuisuni
ilaasortanngortinneqassasut:

Niels Harald de Coninck-Smith, siulittaasoq (2011-p tungaanut)

Sven Lyse, (2011-p tungaanut)

Marie Fleischer (2011-p tungaanut)

Svend Bang Christiansen (2012-ip tungaanut)

Sara Heilmann (2012-ip tungaanut)

Otto Eliassen (2012-ip tungaanut)

Aqutsisup siulersuisuni ilaasortatut qinerneqartut nutaat atorfigisimasai allat pillugit
nalunaarutigaa Niels Harald de Coninck-Smithip siulersuisuni ilaasortaaffigisimasai
ukuusut: TA Management A/S, Orifarm Group A/S, Ferrosan Holding A/S, Rambøll
Gruppen A/S, Contura Properties A/S, NCS 4 A/S (siulittaasoq), Dovista A/S, Contura
International A/S, Contura A/S. Pisortaaffigisimasai: Soqanngilaq.

Otto Eliassenip pisortaaffigisimasai ukuupput: Ciboe ApS, JOC Holding ApS.
Siulersuisuni ilaasortaaffigisimasai ukuupput: Soqanngilaq.

Sara Heilmannip siulersuisuni ilaasortaaffigisimasai ukuupput: Innovationshus
Fødevarer Maniitsoq ApS (siulittaasoq). Pisortaaffigisimasai ukuupput: Soqanngilaq.

Marie Fleischerip ilisimatitsissutigisimavaa allanik pisortaaffigisaqarsimananilu
siulersuisuni ilaasortaaffeqarsimanani.

Svend Bang Christiansen ingerlatseqatigiiffiup siulersuisuini ilaasortatut
qinigaaqaarmalli allanik pisortaaffigisaqarnanilu siulersuisuni ilaasortaaffeqanngilaq.

Aqutsisup Naalakkersuisut siulittaasuat Kuupik Kleist aperaa qinerneqartut
Namminersorlutik Oqartussanit akuerineqarnersut.

Naalakkersuisut siulittaasuat angerpoq, tamatumalu kingorna aqutsisup oqaatigaa
qineqqusaartussatut siunnersuutigineqartut qinerneqartut.

Aqutsisup aamma ilisimatitsissutigaa, siulersuisuni ilaasortassanik sulisut
sinniisaannik qinersisoqarsimasoq, takuuk aktieselskabit pillugit inatsimmi § 49, imm.
3. Ukiuni sisamani sulisut sinniisaattut siulersuisuni ilaasortassaapput:

Peter Korsbæk (siullerpaamik qinerneqartoq)

Lars Berthelsen (qinerneqaqqittoq)

Niels Ole Møller (qinerneqaqqittoq).

Imm. e pillugu) Siulersuisup siulittaasunilu ilaasortat akissarsiassaannik aalajangersaaneq

Aqutsisup nalunaarutigaa, siunnersuutigineqarsimasoq siulersuisuni siulittaasup
akissarsiai 400.000 kr.-ussasut, siulersuisuni siulittaasup tulliata akissarsiai 300.000
kr.-ussasut siulersuisunilu ilaasortat allat akissarsiaat 200.000 kr.-ussasut. Aqutsisup
Naalakkersuisut siulittaasuat Kuupik Kleist aperaa, akissarsiassatut
siunnersuutigineqartut Namminersorlutik Oqartussanit akuerineqarnersut.

Naalakkersuisut siulittaasuat angerpoq, tamatumalu kingorna aqutsisup oqaatigaa
akissarsiassatut siunnersuutigineqartut akuerineqartut.

Imm. f pillugu) Kukkunersiuisunik qinersineq

Aqutsisup ilisimatitsissutigaa, siunnersuutigineqarsimasoq Deloitte Statsautoriseret
Revisionsanpartsselskab ingerlatseqatigiiffiup kukkunersiuisuattut
qinerneqaqqissasoq. Tamatumani aqutsisup Naalakkersuisut siulittaasuat Kuupik

Kleist aperaa tamanna Namminersorlutik Oqartussanit akuerineqarnerisq,
angerporlu. Tamatuma kingorna aqutsisup nalunaarutigaa, Deloitte Statsautoriseret
Revisionsanpartsselskab ingerlatseqatigiiffiup kukkunerisuisuattut qinerneqaqqittoq.

.....

Aqutsisup kingornatigut oqaatigaa oqaluuserisassat tamarmik oqaluuserineqareersut
kingornalu pisortaaneq Flemming Knudsen oqaaseqartillugu, pisortaanerullu
siulersuisuni siulittaasuujunnaartoq Peter Grønvold Samuelsen ukiuni arlalinni
suleqatigiilluarsimanertik pillugu qutsavigaa. Tamatuma kingorna Naalakkersuisut
siulittaasuat Kuupik Kleist oqaaseqartinneqarpoq, taassumallu Peter Grønvold
Samuelsen piffissami ilungersunartorsiorfiusumi siulersuisunut Naalakkersuisunullu
siunnersuilluartarsimanera attaveqarluartarsimanageralu pillugu qutsavigaa.
Taamatuttaaq oqaatigaa, suliffeqarfiup inuiaqatigiinnut pingaaruteqarnera
eqqarsaatigalugu Naalakkersuisut oqaqqisaarisarnertik tapersersuisarnertillu
attatiinnarumaaraat.

Nuuk, / -2010

Aqutsisoq:

(atsiorneq)
Jens Paulsen
Eqqartuussissuserisoq